

# Panduan Penghantaran Cukai Pendapatan Individu untuk Penduduk (Borang B1)

Tarikh Akhir Penghantaran: 15 Apr 2022

Penghantaran adalah wajib sekiranya anda telah menerima notis pemberitahuan.



## Maklumat Umum untuk Tahun Taksiran (YA) 2022

Set maklumat ini bertujuan untuk memberi pemahaman umum yang lebih baik tentang kewajipan pembayar cukai dan tidak bertujuan untuk menangani secara menyeluruh, semua isu yang mungkin timbul.

Maklumat ini dikemas kini pada 11 Apr 2022 mengenai Pelaporan Pendapatan Sewa. Walaupun segala usaha telah dilakukan untuk memastikan maklumat ini sejajar dengan undang-undang dan amalan sedia ada, namun sekiranya terdapat sebarang perubahan, IRAS berhak untuk mengubah kedudukan kami dengan sewajarnya.

<b>Perlukan Bantuan?</b>	<b>Lungsuri laman web IRAS</b> <ul style="list-style-type: none"><li>• Untuk mendapatkan maklumat lanjut tentang cukai secara umum;</li><li>• Untuk mendapat jawapan segera tentang cukai, tanya Jamie atau berbual dengan kami dalam talian;</li><li>• Untuk menggunakan 'Penyemak Pelepasan Peribadi' (Personal Relief Checker) untuk memeriksa kelayakan anda bagi pelepasan cukai;</li><li>• Untuk menggunakan 'Kalkulator Sewa' (Rental Calculator) untuk mengira pendapatan sewa anda; dan</li><li>• Untuk menggunakan 'Kalkulator Cukai Pendapatan' (Income Tax Calculator) untuk mengira pendapatan cukai anda.</li></ul> <b>Hubungi kami</b> melalui cara-cara berikut: <b>Telefon:</b> 1800 356 8300 <b>E-mel:</b> melalui mytax.iras.gov.sg (menggunakan myTax Mail)
<b>Kadar Cukai Pendapatan untuk YA 2022</b>	Sila rujuk ke laman web IRAS untuk kadar cukai YA 2022.
<b>Lampiran 1 &amp; 2</b>	Sila lengkapkan Lampiran 1 dan/atau 2 hanya jika ia berkenaan dengan anda dan hantarkan bersama Borang B1.
<b>Penyerahan Dokumen</b>	<ul style="list-style-type: none"><li>• <b>Jangan</b> hantar dokumen sokongan seperti resit bagi premium insurans, derma, yuran kursus, dll. bersama Borang B1 anda melainkan anda diminta berbuat demikian. Semua dokumen yang dihantar tidak akan dipulangkan dan mungkin dimusnahkan.</li><li>• Anda dikehendaki menyimpan rekod dan dokumen pendapatan, potongan dan pelepasan yang diisytiharkan dalam borang penyata cukai anda dengan betul.</li><li>• Sila simpan semua rekod, resit dan dokumen bagi sebarang tuntutan untuk pelepasan atau perbelanjaan selama sekurang-kurangnya 5 tahun untuk tujuan pengesahan.</li></ul>

## Melengkapkan Bahagian A daripada Muka Surat 2 Borang B1 dan Lampiran 1: Pendapatan

<b>1. Pekerjaan</b>	<p><b>Pendapatan Pekerjaan yang Dimasukkan secara Automatik ke dalam Taksiran</b> (rujuk ke laman web IRAS untuk senarai majikan yang menyertai Skim Penyertaan Automatik (AIS) untuk Pendapatan Pekerjaan)</p> <ul style="list-style-type: none"><li>• <b>Jangan</b> berikan butiran pendapatan pekerjaan anda kerana kami mendapat maklumat ini secara langsung daripada majikan anda. Kami akan memasukkan maklumat ini secara automatik ke dalam taksiran anda. <b>Sebaliknya masukkan '0'.</b></li><li>• <b>Jangan</b> berikan butiran gaji anggota Perkhidmatan Negara anda kerana kami mendapat maklumat ini secara langsung daripada MINDEF/Pasukan Polis Singapura/Pasukan Pertahanan Awam Singapura. <b>Sebaliknya masukkan '0'.</b></li></ul> <p><b>Pendapatan Pekerjaan yang TIDAK Dimasukkan secara Automatik ke dalam Taksiran</b></p> <ul style="list-style-type: none"><li>• Isikan jumlah gaji, bonus, yuran pengarah dan lain-lain jenis pendapatan pekerjaan sebagaimana yang terdapat dalam Borang IR8A anda dalam perkara 1(a) hingga 1(d) di Muka Surat 2 Borang B1. Pendapatan pekerjaan lain termasuk pendapatan separuh masa, elaun, faedah sampingan, ganjaran, pencen (tidak termasuk pencen Pemerintah Singapura) dan faedah lain yang dikenakan cukai dalam bentuk tunai atau bukan tunai seperti keuntungan dari skim pilihan stok dll.</li><li>• Sekiranya anda tidak menerima Borang IR8A anda daripada majikan pada 31 Mac 2022, anda boleh memberi anggaran pendapatan anda untuk 2021. Walau bagaimanapun, sila hantarkan Borang IR8A anda kepada IRAS apabila anda menerimanya.</li><li>• Sila hantarkan Borang IR8A/S dan/atau Lampiran 8A/8B sekiranya:<ul style="list-style-type: none"><li>(a) Cukai pendapatan anda ditanggung oleh majikan anda; atau</li><li>(b) Anda menerima keuntungan dari skim pilihan stok; atau</li><li>(c) Anda menuntut konsesi "Not Ordinarily Resident" (NOR).</li></ul></li></ul>
---------------------	--

	<p><b>Perbelanjaan Pekerjaan</b></p> <ul style="list-style-type: none"> <li>• Anda boleh menuntut perbelanjaan yang ditanggung bagi tugas rasmi yang tidak diganti semula oleh majikan anda. Sebagai contoh, perbelanjaan perjalanan (selain daripada perbelanjaan yang ditanggung ke atas kereta), perbelanjaan hiburan, langganan yang dibayar kepada badan-badan profesional, Zakat Fitrah dan Zakat Harta dan Dana Pembinaan Masjid (selain daripada yang dipotong melalui gaji anda sekiranya majikan anda menyertai AIS untuk Pendapatan Pekerjaan).</li> <li>• Jika anda diperlukan oleh majikan anda untuk bekerja dari rumah dan tambahan perbelanjaan pejabat rumah seperti caj elektrik and caj telekomunikasi tidak diganti semula oleh majikan anda, anda boleh menuntut perbelanjaan ini yang ditanggung untuk tujuan kerja sebagai pemotongan terhadap pendapatan pekerjaan untuk tahun ini. Untuk maklumat lanjut, lungsuri laman web IRAS [Home &gt; Taxes &gt; Individual Income Tax &gt; Basics of Individual Income Tax &gt; Tax reliefs, rebates and deductions &gt; Employment expenses]</li> <li>• Sila lampirkan bersama borang penyata cukai anda, jadual perbelanjaan <b>sebenar</b> yang ditanggung dengan menyatakan bentuk perbelanjaan, tarikh dan jumlah yang ditanggung. Sila simpan semua resit bagi tujuan pengesahan, dan sila maklum bahawa anggaran tidak diterima.</li> <li>• <b>Jangan</b> isi tuntutan untuk bayaran Zakat Fitrah atau Zakat Harta jika anda seorang pemegang NRIC/FIN yang telah memberi maklumat kepada Majlis Ugama Islam Singapura (MUIS). Jumlah tersebut akan dipotong secara automatik daripada sumber pendapatan anda yang berkenaan berdasarkan maklumat daripada MUIS.</li> </ul>
<p><b>Pendapatan Lain (Lengkapkan Lampiran 1 jika anda mempunyai mana-mana jenis pendapatan berikut yang disenaraikan dalam perkara (1) hingga (9) dalam tahun 2021)</b></p>	
<p><b>1. Perdagangan, Perniagaan, Kekaryawan atau Kerjaya</b></p>	<ul style="list-style-type: none"> <li>• Keuntungan daripada karyawan/kerjaya merujuk kepada pendapatan yang diperolehi oleh orang yang bekerja sendiri (contohnya doktor, ejen insurans/hartanah, remisier, tutor peribadi, penjaja, pemandu teksi, kontraktor). Bagi perdagangan/perniagaan, sila nyatakan Nombor Entiti Unik(UEN)/Nombor Rujukan Cukai Perkongsian di dalam kotak yang disediakan.</li> </ul>
<p><b>2. Sewa daripada Hartanah Milik Persendirian</b></p>	<ul style="list-style-type: none"> <li>• Sewa kasar termasuk sewa perabot dan perkakas. Anda boleh menuntut perbelanjaan yang ditanggung semata-mata untuk memperoleh pendapatan sewa semasa tempoh penyewaan.</li> </ul> <p><b>Melaporkan Pendapatan Sewa</b></p> <ul style="list-style-type: none"> <li>• Jika anda memperoleh sewa daripada: <ul style="list-style-type: none"> <li>(a) harta milik persendirian atau milik bersama dalam 2021, sila berikan butir-butir termasuk jumlah penuh sewa kasar/perbelanjaan yang ditanggung dan isikan bahagian sewa bersih anda berdasarkan pemilikan yang sah.</li> <li>(b) sebahagian daripada hartanah anda (misalnya 1 bilik), anda perlu membahagikan perbelanjaan yang boleh dituntut yang ditanggung berdasarkan bilangan bilik yang disewakan.</li> </ul> </li> <li>• <b>Jangan</b> tuntutan perbelanjaan yang tidak boleh ditolak seperti denda yang dikenakan kerana lewat membayar cukai hartanah, bayaran cukai hartanah bagi tahun-tahun sebelumnya, kos pembelian awal dan susut nilai perabot dan perkakas, kos pembaikan permulaan dan ubah elok, pembayaran semula pinjaman, kos penambahan dan ubah suai kepada harta milik.</li> <li>• Anda boleh menuntut mana-mana perbelanjaan yang ditanggung oleh anda untuk pembaikan, insuran kebakaran, penyelenggaraan atau penjagaan hartanah apabila ia kosong pada mana-mana bahagian tahun 2021, dan sebarang cukai hartanah yang dibayar ke atas hartanah itu untuk tempoh kekosongan itu boleh ditolak daripada pendapatan sewa. Ini tertakluk kepada syarat bahawa usaha yang munasabah telah dibuat untuk mencari penyewa baharu semasa tempoh kekosongan di antara pajakan.</li> <li>• Sebagai tambahan, komisen ejen, pengiklanan, perbelanjaan undang-undang dan duti setem yang anda telah tanggung dalam mendapatkan, pemberian, memperbaharui, atau melanjutkan pajakan untuk penyewa pertama anda kini dibenarkan berkuat kuasa dari tahun taksiran YA 2022.</li> <li>• Defisit sewa (iaitu perbelanjaan yang boleh ditolak yang ditanggung untuk menyewa hartanah melebihi sewa kasar yang diterima daripada hartanah tersebut) tidak boleh diimbangi terhadap sumber pendapatan lain.</li> <li>• Untuk mengira pendapatan sewa, anda boleh merujuk kepada 'Kalkulator Sewa' kami di laman web IRAS.</li> <li>• Untuk pelaporan sewa hartanah bukan kediaman yang layak di bawah Rangka Perlepasan Sewa, lungsuri laman web IRAS [Home &gt; News &amp; Events &gt; Singapore budget &gt; COVID-19 Support Measures and Tax Guidance &gt; Tax Guidance &gt; For Individuals &gt; Rental Relief Framework - Reporting YA 2021 rental income by individuals who are owners of non-residential properties]</li> </ul> <p><b>Membuat Tuntutan Perbelanjaan Sewa Untuk Hartanah Kediaman yang Disewa sahaja</b></p> <ul style="list-style-type: none"> <li>• Anda boleh menuntut perbelanjaan yang ditanggung untuk memperoleh pendapatan sewa pasif daripada hartanah kediaman di Singapura, berdasarkan sama ada: <ul style="list-style-type: none"> <li>(a) Faedah gadaai janji dan jumlah perbelanjaan sewa yang dianggap telah dibelanjakan sebanyak 15% daripada sewa kasar, tertakluk kepada syarat-syarat; atau</li> <li>(b) Jumlah perbelanjaan sewa sebenar yang ditanggung.</li> </ul> </li> <li>• Hartanah kediaman tidak termasuk sebarang hartanah yang telah diberikan kelulusan untuk sebarang kegunaan bukan kediaman (contohnya pusat jagaan kanak-kanak dan dormitori pekerja). Untuk maklumat lanjut, sila rujuk kepada panduan IRAS e-Tax "Pemudahan Tuntutan Perbelanjaan Sewa untuk Individu" yang boleh didapati di laman web IRAS.</li> </ul> <p><u>Bagi perbelanjaan sewa berdasarkan perbelanjaan sewa yang dianggap telah dibelanjakan</u></p> <ul style="list-style-type: none"> <li>• Kami akan secara automatik membenarkan 15% daripada sewa kasar sebagai perbelanjaan sewa.</li> <li>• Anda tidak diperlukan untuk menyimpan rekod bagi perbelanjaan sewa yang ditanggung.</li> </ul>

	<ul style="list-style-type: none"> <li>• Anda juga boleh menuntut sebarang faedah gadai janji yang ditanggung ke atas pinjaman yang diambil untuk membeli hartanah yang disewakan. Walau bagaimanapun, anda perlu menyimpan dokumen sokongan berhubung dengan faedah gadai janji selama sekurang-kurangnya 5 tahun bagi tujuan pengesahan.</li> <li>• Dasar perbelanjaan yang dianggap telah dibelanjakan ini harus dikenakan secara konsisten ke atas semua hartanah kediaman lain yang disewakan.</li> </ul> <p><b>Dasar perbelanjaan yang dianggap telah dibelanjakan tidak dibenarkan dalam keadaan yang berikut:</b></p> <ul style="list-style-type: none"> <li>• Anda tidak menanggung sebarang perbelanjaan yang boleh ditolak (selain daripada faedah gadai janji) berhubung dengan pendapatan sewa yang diperolehi; atau</li> <li>• Anda memperoleh pendapatan sewa melalui perkongsian di Singapura; atau</li> <li>• Anda memperoleh pendapatan sewa daripada hartanah yang diamanahkan; atau</li> <li>• Anda memperoleh pendapatan sewa daripada hartanah kediaman yang dibenarkan untuk digunakan bagi tujuan bukan kediaman (contohnya pusat jagaan kanak-kanak dan dormitori pekerja).</li> </ul> <p><u>Jika anda memilih untuk menuntut perbelanjaan sewa berdasarkan perbelanjaan sewa sebenar yang ditanggung</u></p> <ul style="list-style-type: none"> <li>• Sila simpan dokumen sokongan (contohnya perjanjian penyewaan, penyata gadai janji bank, invoice dan resit) selama sekurang-kurangnya 5 tahun bagi tujuan pengesahan.</li> </ul> <p><b>Membuat Tuntutan Perbelanjaan Sewa Untuk Hartanah Bukan Kediaman yang Disewa sahaja</b></p> <ul style="list-style-type: none"> <li>• Anda hanya boleh menuntut perbelanjaan sewa sebenar yang ditanggung.</li> <li>• Anda perlu menyimpan dokumen sokongan selama sekurang-kurangnya 5 tahun bagi tujuan pengesahan.</li> <li>• Untuk maklumat lanjut, lungsur laman web IRAS [Home &gt; taxes &gt; individual-income-tax &gt; basics of individual income tax &gt; what is taxable, what is not &gt; income from property rented out]</li> </ul>
3. Royalti	<ul style="list-style-type: none"> <li>• Royalti ialah pendapatan yang diterima bagi hak untuk menggunakan hak cipta, paten, tanda dagangan, dll.</li> <li>• Untuk royalti yang diterima bagi sebarang hasil sastera, drama, muzik atau seni (kecuali bayaran untuk hasil kerja yang diterbitkan dalam surat khabar atau terbitan berkala), jumlah yang dicukai adalah baki royalti selepas potongan yang dibenarkan atau 10% daripada jumlah kasar, yang mana lebih rendah.</li> </ul>
4. Penerimaan Tunjangan	<ul style="list-style-type: none"> <li>• Penerimaan Tunjangan termasuk pendapatan yang diterima di bawah surat ikatan atau perintah mahkamah.</li> <li>• Pembayaran nafkah dan sara hidup yang diterima oleh seorang individu wanita daripada bekas suaminya, sama ada dibayar secara sukarela atau di bawah Perintah Mahkamah/Surat Ikatan Pemisahan dikecualikan daripada cukai.</li> </ul>
5. Pendapatan Harta Pusaka/ Amanah	<ul style="list-style-type: none"> <li>• Pendapatan estet/amanah termasuk sebarang pengagihan pendapatan (pendapatan estet) yang diterima daripada sebuah estet di bawah pentadbiran atau bahagian hak anda bagi pendapatan (pendapatan amanah) daripada amanah swasta atau estet yang diamanahkan.</li> <li>• Untuk pendapatan harta pusaka, sila isytiharkan pendapatan tersebut pada tahun anda menerimanya. Untuk pendapatan amanah, sila isytiharkan bahagian anda bagi pendapatan pada tahun kelayakan anda.</li> <li>• Anda tidak perlu mengisytiharkan pengagihan modal dan pendapatan dikecualikan.</li> </ul>
6. Faedah	<ul style="list-style-type: none"> <li>• <b>Jangan</b> isytiharkan faedah yang diterima daripada sebarang simpanan dengan bank-bank atau syarikat kewangan berlesen yang diluluskan di Singapura kerana ia dikecualikan daripada cukai.</li> <li>• Walau bagaimanapun, anda perlu isytiharkan pendapatan faedah daripada simpanan bank yang tidak diluluskan atau syarikat kewangan yang tidak berlesen di Singapura, kedai pajak gadai, pinjaman kepada syarikat dan orang perseorangan, dll dalam Lampiran.</li> <li>• Sila rujuk kepada laman web MAS untuk senarai bank yang diluluskan dan syarikat kewangan berlesen di Singapura.</li> </ul>
7. Laba atau Keuntungan Berupa Pendapatan yang Tidak Termasuk dalam Perkara 1 hingga 6	<ul style="list-style-type: none"> <li>• Ini termasuk sebarang pendapatan (misalnya sewa dari aset lain seperti kenderaan yang tidak di laporkan sebagai pendapatan perdagangan) yang tidak tergolong dalam mana-mana kategori yang tersebut di atas.</li> <li>• Satu contoh ialah dividen yang diterima daripada NTUC Healthcare Co-operative Ltd (tidak termasuk dividen yang diterima daripada NTUC Fairprice Co-operative dan NTUC Income Insurance Co-operative Ltd yang akan disertakan secara automatik).</li> </ul>
8. Jumlah (jumlah daripada perkara 1 hingga 7)	<ul style="list-style-type: none"> <li>• Isikan jumlah pendapatan yang diisytihar dalam perkara 1 hingga 7, tidak termasuk kerugian bersih daripada sewa.</li> <li>• Isikan nilai jumlah pendapatan ini dalam perkara 3 di Muka Surat 2 Borang B1.</li> </ul>
9. Pendapatan yang Belum Dilaporkan Sebelum ini	<ul style="list-style-type: none"> <li>• Sekiranya anda telah menerima pendapatan bagi sebarang tempoh dari 1 Jan 2017 hingga 31 Dis 2020 yang belum dilaporkan sebelum ini, nyatakan jenis pendapatan, tarikh pendapatan tersebut diterima, tempoh pendapatan dan jumlah pendapatan tersebut.</li> <li>• Untuk yuran pengarah, nyatakan tarikh ia diluluskan di Mesyuarat Agung Tahunan syarikat atau Mesyuarat Agung Luar Biasa.</li> </ul>

**Melengkapkan Bahagian B daripada Muka Surat 2 Borang B1 dan Lampiran 2: Pelepasan Peribadi dan Potongan**

**Maklumat Umum tentang Derma/ Pelepasan**

**Derma/Pelepasan yang Dimasukkan Secara Automatik dalam Taksiran Cukai**

- Anda tidak perlu menuntut derma/pelepasan yang berikut. Ia akan dimasukkan secara automatik dalam taksiran cukai anda berdasarkan kelayakan anda dan rekod daripada pertubuhan yang berkenaan:
  - (a) Derma yang dibuat secara langsung ke Institusi Bertaraf Awam (IPC) yang diluluskan
  - (b) Derma yang dibuat kepada IPC yang diluluskan melalui potongan gaji dan majikan anda menyertai AIS untuk Pendapatan Pekerjaan
  - (c) Pelepasan Pendapatan Pencarian
  - (d) Tokokan Tunai CPF
  - (e) Skim Persaraan Tambahan (SRS)
  - (f) Pelepasan Anggota Kerahan Perkhidmatan Negara (bagi Anggota Kerahan, isteri atau ibu bapa Anggota Kerahan)

**Derma/Pelepasan yang TIDAK Dimasukkan Secara Automatik dalam Taksiran Cukai**

- Sila pastikan bahawa anda memenuhi semua syarat-syarat kelayakan sebelum anda isikan jumlah tuntutan dalam kotak yang berkenaan di Muka Surat 2 Borang B1.
- Denda akan dikenakan bagi sebarang tuntutan pelepasan yang salah. Kami tidak akan membenarkan tuntutan anda dan menarik balik pelepasan tersebut selepas taksiran anda disemak.
- Jika anda menuntut pelepasan cukai berkaitan Orang Cacat buat kali pertama, sila lengkapkan borang "Application for Claim of Handicapped-Related Tax Reliefs" (Permohonan bagi Tuntutan Pelepasan Cukai yang berkaitan dengan Orang Cacat) yang boleh dimuat turun dari laman web IRAS.
- Dari YA 2018, jumlah pelepasan cukai pendapatan peribadi akan dihadkan pada \$80,000 bagi setiap YA.
- Anda harus menuntut pelepasan peribadi sekiranya anda telah memenuhi syarat-syarat kelayakan. Jika jumlah pelepasan yang dituntut melebihi \$80,000, jumlah pelepasan cukai akan dihadkan pada \$80,000.

**5. Derma**

- Sekiranya majikan anda tidak menyertai AIS untuk Pendapatan Pekerjaan, isikan jumlah 2.5 kali ganda nilai derma (dibundarkan kepada dolar terdekat) ditolak melalui gaji anda, kepada IPC yang diluluskan. Jumlah derma akan ditunjukkan dalam Borang IR8A.

**6a. Pelepasan Pasangan/ Pasangan Cacat**

Jika anda telah menuntut pelepasan ini, orang lain tidak dibenarkan untuk menuntut sebarang pelepasan lain (contoh, Pelepasan Ibu Bapa/Ibu Bapa Cacat), selain dari Pelepasan Datuk Nenek Penjaga Cucu, ke atas pasangan anda

**Pelepasan Pasangan**

- Anda boleh menuntut:
  - (a) \$2,000 jika anda tinggal serumah atau menyara pasangan anda dalam 2021; atau
  - (b) sehingga \$2,000 jika anda telah berpisah secara sah dan anda membayar sara hidup kepada isteri anda pada tahun sebelumnya di bawah Perintah Mahkamah/Surat Ikatan Pemisahan.
- Jumlah potongan bagi Pelepasan Pasangan tidak harus melebihi \$2,000.
- Anda tidak boleh menuntut Pelepasan Pasangan jika pasangan anda mempunyai pendapatan tahunan melebihi \$4,000 dalam 2021.
- Bagi tujuan ini, pendapatan termasuk pendapatan bercukai (misalnya perdagangan, pekerjaan dan penyewaan), pendapatan yang dikecualikan cukai (misalnya faedah bank, dividen dan pencen) dan pendapatan dari sumber asing (tanpa mengambil kira sama ada ia telah dikirimkan ke Singapura).

**Pelepasan Pasangan Cacat**

- Anda boleh menuntut:
  - (a) \$5,500 jika anda telah menyara pasangan yang cacat fizikal atau mental dalam 2021; atau
  - (b) sehingga \$5,500 jika anda sudah pun berpisah secara sah daripada isteri anda yang cacat dan anda telah membayar nafkah kepadanya pada tahun sebelumnya di bawah Perintah Mahkamah/Surat Ikatan Pemisahan.
- Jumlah potongan bagi Pelepasan Pasangan Cacat tidak harus melebihi \$5,500.
- Individu penduduk lelaki tidak dibenarkan menuntut sebarang pelepasan berhubung dengan alimoni yang dibayarnya kepada bekas isterinya di bawah Perintah Mahkamah.

### 6b. Pelepasan Anak

Jika anda telah menuntut pelepasan ini, orang lain tidak dibenarkan untuk menuntut sebarang pelepasan lain (contoh, Pelepasan Adik-Beradik Cacat), ke atas anak yang sama

- Anda boleh menuntut Pelepasan Anak yang Layak (QCR)/Pelepasan Anak yang Cacat (HCR) jika anda mempunyai anak yang sah dari anda dan pasangan/bekas pasangan anda, anak tiri atau anak angkat yang sah.
- Anda boleh membahagikan jumlah tuntutan anda untuk QCR atau HCR berdasarkan persetujuan di antara anda dan pasangan/bekas pasangan anda.
- Jika anda menuntut bagi anak ke-5 dan seterusnya, sila berikan butiran di kertas yang berasingan dan isikan jumlah keseluruhan dalam baris ke-5 perkara 6(b) di Muka Surat 2 Borang B1.

#### Pelepasan Anak yang Layak (QCR)

- Anda boleh menuntut \$4,000 bagi setiap anak, yang anda tanggung, yang belum berkahwin sepanjang 2021 dan yang:
  - (a) di bawah usia 16 tahun pada bila-bila masa semasa 2021; atau
  - (b) belajar sepenuh masa di sekolah, maktab, universiti atau institusi pendidikan yang lain dalam 2021 jika anak itu berusia 17 tahun dan ke atas; dan
  - (c) tidak mempunyai pendapatan tahunan yang melebihi \$4,000 dalam 2021.
- Bagi tujuan ini, pendapatan termasuk pendapatan bercukai (misalnya perdagangan, pekerjaan, gaji/elaun NS dan pendapatan daripada latihan amali dan penempatan), pendapatan dari sumber asing (tanpa mengambil kira sama ada ia telah dikirimkan ke Singapura) dan pendapatan yang dikecualikan cukai (misalnya faedah bank) tetapi tidak termasuk biasiswa dan dermasiswa.

#### Pelepasan Anak yang Cacat (HCR)

- Anda boleh menuntut \$7,500 jika anda telah menyara anak yang belum berkahwin sepanjang 2021 dan juga yang cacat fizikal atau mental dalam 2021.

#### Pelepasan Anak untuk Ibu Bekerja (WMCR)

- **Ibu yang bekerja** yang sudah berkahwin, bercerai atau menjadi seorang balu boleh menuntut WMCR untuk anak yang belum berkahwin yang merupakan seorang **warga Singapura pada 31 Dis 2021** dan telah memenuhi semua syarat kelayakan QCR atau HCR.

Jumlah QCR/HCR + WMCR = \$50,000 setiap anak\*

Jumlah WMCR dihadkan pada 100% daripada pendapatan pencarian ibu tersebut

\*QCR/HCR, tanpa mengambil kira sama ada ia dituntut oleh bapa atau ibu, akan dibenarkan dahulu. WMCR akan dihadkan kepada baki selepas tuntutan QCR/HCR dibenarkan.

- **Anda mesti menyatakan susunan bagi setiap anak pada perkara 6(b) di Muka Surat 2 Borang B1. WMCR akan dikira secara automatik berdasarkan kelayakan anda.**

### 6c. Pelepasan Ibu Bapa/ Ibu Bapa Cacat

- Anda boleh menuntut pelepasan ini jika anda telah menyara ibu bapa, datuk, nenek atau moyang anda/pasangan anda dalam 2021. Ibu bapa/datuk/nenek/moyang anda atau pasangan anda haruslah tinggal di Singapura^ dalam 2021 dan telah memenuhi semua syarat-syarat yang berikut:

Syarat-syarat	Ibu Bapa Tinggal dengan salah seorang yang membuat tuntutan	Ibu Bapa Cacat Tinggal dengan salah seorang yang membuat tuntutan	Ibu Bapa Tidak Tinggal dengan salah seorang yang membuat tuntutan#	Ibu Bapa Cacat Tidak Tinggal dengan salah seorang yang membuat tuntutan#
Berusia 55 tahun atau lebih dalam 2021	\$9,000	\$14,000 (Kriteria usia dan pendapatan tidak dikenakan)	\$5,500	\$10,000 (Kriteria usia dan pendapatan tidak dikenakan)
Tidak menerima pendapatan tahunan* melebihi \$4,000 dalam 2021				
Jumlah pelepasan boleh dikongsi antara semua yang layak membuat tuntutan yang ingin menuntut Pelepasan Ibumama/Ibumama Cacat ke atas tanggungan yang sama	Jika <b>sekurang-kurangnya salah seorang</b> daripada orang yang membuat tuntutan tinggal dengan tanggungannya, jumlah Pelepasan untuk dikongsi adalah <b>\$9,000</b> untuk Ibu bapa atau <b>\$14,000</b> untuk Ibu bapa Cacat.	Jika <b>tiada seorang</b> daripada orang yang membuat tuntutan tinggal dengan tanggungannya, jumlah Pelepasan untuk dikongsi adalah <b>\$5,500</b> untuk Ibu bapa atau <b>\$10,000</b> untuk Ibu bapa Cacat.		



	<ul style="list-style-type: none"> <li>• Anda boleh menuntut sama ada Pelepasan Ibu Bapa atau Pelepasan Ibu Bapa Cacat tetapi tidak kedua-dua sekali, ke atas tanggungan yang sama, <b>sehingga maksimum 2 tanggungan.</b></li> <li>• <b>Jika pelepasan tersebut dikongsi, semua orang yang membuat tuntutan mesti bersetuju dengan dasar pembahagian</b> sebelum menuntut Pelepasan Ibu Bapa/Ibu Bapa Cacat ke atas tanggungan yang sama. Jika tidak, Pengawal Cukai Pendapatan akan membahagikan pelepasan tersebut secara sama rata antara semua yang membuat tuntutan.</li> <li>• Jika anda telah membuat tuntutan untuk pelepasan ini, orang lain tidak dibenarkan untuk membuat tuntutan sebarang pelepasan lain (contohnya Pelepasan Pasangan), kecuali Pelepasan Datuk dan Nenek Penjaga Cucu, ke atas tanggungan yang sama.</li> </ul> <p>^"Menetap di Singapura" bermaksud bahawa tanggungan menetap di Singapura, kecuali untuk ketiadaan sementara (contoh percutian singkat di luar negara) dalam 2021. Bagi tanggungan warga asing (Pemegang FIN sahaja): secara umumnya, jika beliau menetap di Singapura bagi tempoh sekurang-kurangnya 8 bulan dalam 2021, beliau akan dianggap sebagai menetap di Singapura.</p> <p>*Pendapatan termasuk pendapatan bercukai (contoh perdagangan, pekerjaan dan penyewaan), pendapatan yang dikecualikan cukai (contoh faedah bank, dividen dan pencen) dan pendapatan dari sumber asing (tanpa mengambil kira sama ada ia telah dikirimkan ke Singapura).</p> <p>#Sekiranya mereka tidak tinggal serumah dengan anda di Singapura, anda telah membelanjakan sekurang-kurangnya \$2,000 untuk menanggung setiap seorang daripada mereka dalam 2021.</p>
<p><b>6d. Pelepasan Datuk Nenek Penjaga Cucu (GCR)</b></p> <p>Anda tidak boleh menuntut pelepasan ini jika orang lain telah menuntut GCR ke atas penjaga yang sama.</p>	<ul style="list-style-type: none"> <li>• Anda boleh membuat tuntutan potongan sebanyak \$3,000 terhadap pendapatan yang anda peroleh untuk salah <b>seorang</b> ibu bapa atau datuk nenek anda atau pasangan/bekas pasangan anda jika anda seorang <b>ibu yang bekerja</b> yang sudah berkahwin, bercerai atau seorang balu. Di samping itu, ibu bapa atau datuk nenek anda atau pasangan/bekas pasangan anda harus: <ul style="list-style-type: none"> <li>(a) tinggal di Singapura^ dalam 2021; dan</li> <li>(b) menjaga mana-mana anak anda* yang merupakan seorang warga Singapura dan (i) berusia 12 tahun atau kurang dalam 2021; atau (ii) belum berkahwin sepanjang tahun 2021 dan pada bila-bila masa dalam 2021, cacat fizikal atau mental; dan</li> <li>(c) tidak menjalankan sebarang perdagangan, perniagaan, kekaryawan, kerjaya atau pekerjaan semasa tahun 2021.</li> </ul> </li> <li>• Nyatakan tuntutan anda bagi GCR pada perkara 6(d) di Muka Surat 2 Borang B1. *Merujuk kepada seorang anak yang sah daripada anda dan pasangan/bekas pasangan anda, anak tiri atau anak angkat yang sah.</li> </ul> <p>^"Menetap di Singapura" bermaksud bahawa tanggungan menetap di Singapura, kecuali untuk ketiadaan sementara (contoh percutian singkat di luar negara) dalam 2021. Bagi tanggungan warga asing (Pemegang FIN sahaja): secara umumnya, jika beliau menetap di Singapura bagi tempoh sekurang-kurangnya 8 bulan dalam 2021, beliau akan dianggap sebagai menetap di Singapura.</p>
<p><b>6e. Pelepasan Adik-Beradik Cacat</b></p> <p>Anda tidak boleh menuntut pelepasan ini jika orang lain telah menuntut sebarang pelepasan lain (kecuali GCR), ke atas adik-beradik atau adik-beradik ipar yang sama.</p>	<ul style="list-style-type: none"> <li>• Anda boleh menuntut sebanyak \$5,500 bagi setiap tanggungan jika anda menanggung adik beradik atau adik beradik pasangan anda yang cacat fizikal atau mental yang tinggal di Singapura^. Adik-beradik atau adik beradik ipar anda yang cacat yang mana anda menuntut pelepasan mesti tinggal serumah dengan anda dalam 2021. Jika tidak, anda telah membelanjakan sekurang-kurangnya \$2,000 untuk menanggung setiap seorang daripada mereka dalam 2021.</li> <li>• <b>Jumlah pelepasan boleh dikongsi antara adik-beradik atau adik-beradik ipar anda</b> yang ingin membuat tuntutan Pelepasan Adik-Beradik Cacat ke atas tanggungan yang sama.</li> <li>• Sila nyatakan tuntutan anda pada perkara 6(e) di Muka Surat 2 Borang B1. Bagi tuntutan Pelepasan Adik-Beradik Cacat yang ke-3 dan seterusnya, sila isikan <u>jumlah tuntutan</u> untuk tanggungan yang ke-3 dan seterusnya dibaris ke-3 perkara 6(e).</li> </ul> <p>^"Menetap di Singapura" bermaksud bahawa tanggungan menetap di Singapura, kecuali untuk ketiadaan sementara (contoh percutian singkat di luar negara) dalam 2021. Bagi tanggungan warga asing (Pemegang FIN sahaja): secara umumnya, jika beliau menetap di Singapura bagi tempoh sekurang-kurangnya 8 bulan dalam 2021, beliau akan dianggap sebagai menetap di Singapura.</p>

<p><b>6f. CPF/ Tabung Simpanan Pekerja</b></p>	<p><b>Caruman Wajib CPF/Pencen atau Tabung Simpanan Pekerja yang diluluskan oleh Pekerja Warga Singapura dan Penduduk Tetap Singapura</b></p> <ul style="list-style-type: none"> <li>Caruman seperti ini tidak harus melebihi caruman berkanun di bawah Akta CPF. <ul style="list-style-type: none"> <li>(a) Had gaji biasa untuk caruman CPF ialah \$6,000 sebulan.</li> <li>(b) Jumlah had gaji biasa (OW) akan dihadkan pada \$72,000 (iaitu 12 bulan x \$6,000) setahun dan had pendapatan keseluruhan bagi caruman CPF wajib ialah \$102,000 (iaitu 17 bulan x \$6,000).</li> <li>(c) Gaji tambahan akan dihadkan pada jumlah yang sama dengan perbezaan antara \$102,000 dan jumlah OW.</li> </ul> </li> <li><b>Jangan menuntut</b> pelepasan ini jika sebarang pendapatan pekerjaan anda dimasukkan secara automatik kerana kami menerima maklumat ini secara langsung daripada majikan anda yang menyertai AIS.</li> </ul> <p><b>Caruman sukarela ke Akaun Medisave sendiri</b></p> <ul style="list-style-type: none"> <li>Sekiranya anda seorang Warga Singapura atau Penduduk Tetap Singapura dalam 2021, anda boleh menuntut caruman tunai sukarela anda dalam lingkungan had caruman CPF tahunan sebanyak \$37,740 (iaitu 17 bulan x \$6,000 x 37%) dan dalam lingkungan jumlah penjagaan kesihatan asas, yang diarah secara khusus oleh anda untuk dibayar kepada Akaun Medisave anda sendiri. Caruman sukarela ini mestilah belum anda menuntut sebagai seorang yang bekerja sendiri.</li> </ul>
<p><b>6g. Insuran Nyawa</b></p>	<ul style="list-style-type: none"> <li>Anda boleh menuntut pelepasan premium insurans nyawa yang telah anda bayar bagi polisi insurans anda atau isteri anda.</li> <li>Premium yang dibayar bagi polisi insurans nyawa anak anda tidak dibenarkan.</li> <li>Untuk menuntut pelepasan ini, jumlah caruman CPF anda sebagai pekerja, caruman Medisave/Sukarela CPF sebagai seorang yang bekerja sendiri dan caruman tunai sukarela ke akaun Medisave anda dalam 2021 <b>kurang daripada \$5,000</b> dan anda sudah membayar premium insurans tersebut dalam 2021.</li> <li>Sekiranya polisi anda telah dibeli pada atau selepas 10 Ogos 1973, syarikat insurans anda mesti mempunyai pejabat atau cawangan di Singapura.</li> <li>Anda boleh menuntut <b>yang mana lebih rendah</b> daripada berikut: <ul style="list-style-type: none"> <li>(a) perbezaan antara \$5,000 dan caruman CPF anda; atau</li> <li>(b) sehingga 7% nilai insurans bagi nyawa anda atau isteri anda atau jumlah premium insurans yang telah dibayar.</li> </ul> </li> </ul>
<p><b>6h. Yuran Kursus</b></p>	<ul style="list-style-type: none"> <li><b>Anda boleh menuntut yuran kursus sebenar yang ditanggung, sehingga maksimum \$5,500 jika anda telah:</b> <ul style="list-style-type: none"> <li>(a) mengambil sebarang kursus atau menghadiri sebarang seminar/persidangan dalam 2021: (i) yang membawa kepada kelayakan akademik, profesional atau kejuruan yang diluluskan; atau (ii) berkaitan dengan perdagangan, perniagaan, kekaryawanan, kerjaya atau pekerjaan anda sekarang; atau</li> <li>(b) tamat menghadiri sebarang kursus, seminar/persidangan antara 1 Jan 2019 dan 31 Dis 2020 dan kursus, seminar/persidangan tersebut berkaitan dengan perdagangan, perniagaan, kekaryawanan, kerjaya atau pekerjaan baru anda yang bermula dalam 2021.</li> </ul> </li> <li>Yuran kursus yang dibenarkan termasuk yuran pendaftaran atau yuran kemasukan, yuran peperiksaan, yuran tuisyen dan yuran ujian kemahiran (untuk kursus komputer). Anda tidak boleh menuntut perbelanjaan sara hidup, perbelanjaan bagi buku teks, perbelanjaan perjalanan dan jumlah yang dibayar atau dibayar balik oleh majikan anda atau sebarang pertubuhan lain untuk kursus tersebut.</li> <li>Pelepasan ini tidak diberikan kepada graduan politeknik/universiti bagi yuran kursus politeknik/universiti mereka jika mereka tidak pernah bekerja atau menjalankan sebarang perdagangan, perniagaan, kekaryawanan atau kerjaya sebelum ini. Pekerjaan semasa cuti sekolah atau latihan amali tidak dianggap sebagai pekerjaan bagi tujuan pelepasan ini.</li> </ul> <p>Jika pendapatan anda yang ditaksir adalah kurang daripada \$22,000, anda boleh menangguhkan tuntutan anda untuk yuran kursus. Sila layari laman web IRAS untuk maklumat lanjut.</p>
<p><b>6i. Levi Pembantu Rumah Asing (FDW)</b></p>	<p>Anda boleh menuntut <b>dua kali ganda</b> jumlah FDW yang dibayar untuk <b>seorang</b> pembantu rumah dalam 2021 daripada <b>pendapatan pencarian</b> anda dan jika anda:</p> <ul style="list-style-type: none"> <li>(a) seorang wanita sudah berkahwin yang tinggal bersama suami anda dalam 2021; atau</li> <li>(b) seorang wanita sudah berkahwin dan suami anda bukan seorang penduduk di Singapura dalam 2021; atau</li> <li>(c) sudah berpisah dari suami anda, bercerai atau menjadi balu dan dalam 2021, mempunyai anak-anak yang tinggal serumah dengan anda yang anda layak membuat tuntutan pelepasan anak.</li> </ul> <p><b>Ia tidak kira sama ada levi dibayar oleh anda atau suami anda.</b> Anda boleh menuntut yang mana lebih rendah daripada yang berikut:</p> <ul style="list-style-type: none"> <li>(a) dua kali jumlah levi yang dibayar, sehingga \$1,440 (jika anda layak bagi levi konsesi sebanyak \$60 setiap bulan) atau \$7,200/\$10,800*; atau</li> <li>(b) jumlah pendapatan pencarian anda.</li> </ul> <p>*Kadar levi FDW yang pertama, tanpa konsesi, ialah \$300 setiap bulan.  Jumlah pelepasan = (\$300 x 12) x 2 = \$7,200</p>

	<p>Kadar levi untuk FDW yang seterusnya, tanpa konsesi, ialah \$450 setiap bulan.          Jumlah pelepasan = ( \$450 x 12) x 2 = \$10,800</p>
<p><b>Rebat Cukai Keibubapaan (PTR)*</b></p>	<p><b>Anda boleh menuntut PTR sekiranya anda seorang penduduk Singapura yang sudah bernikah, bercerai atau seorang balu yang mempunyai anak dalam 2021:</b></p> <ul style="list-style-type: none"> <li>(a) yang dilahirkan oleh anda dengan pasangan/bekas pasangan anda dalam 2021; atau</li> <li>(b) yang diambil sebagai anak angkat secara sah dalam 2021 sebelum dia mencapai usia 6 tahun; atau</li> <li>(c) yang dilahirkan oleh anda dengan pasangan/bekas pasangan anda sebelum anda bernikah dengan pasangan/bekas pasangan anda dan pernikahan anda telah didaftarkan dalam 2021 sebelum anak anda mencapai usia 6 tahun.</li> </ul> <p><b>Anak tersebut haruslah seorang Warga Singapura:</b></p> <ul style="list-style-type: none"> <li>(a) pada waktu lahir atau dalam tempoh 12 bulan kemudiannya; atau</li> <li>(b) pada waktu pengambilan sebagai anak angkat secara sah atau dalam tempoh 12 bulan kemudiannya; atau</li> <li>(c) pada waktu pernikahan ibubapanya atau dalam tempoh 12 bulan kemudiannya.</li> </ul> <ul style="list-style-type: none"> <li>• Susunan anak-anak anda ditentukan berdasarkan tarikh lahir, tarikh pengambilannya sebagai anak angkat secara sah atau tarikh pernikahan ibu bapa, yang mana berkenaan, bagi semua anak anda yang tinggal serumah tanpa mengambil kira sama ada anak tersebut anak yang layak bagi tujuan PTR.</li> <li>• Adik-beradik yang telah meninggal dunia akan diambil kira dalam menentukan jumlah adik-beradik yang dimiliki oleh seorang anak pada masa dia dilahirkan, diambil sebagai anak angkat atau pernikahan ibu bapanya, mengikut keadaan.</li> <li>• Jumlah rebat adalah seperti berikut:             <ul style="list-style-type: none"> <li>(a) Anak yang pertama: \$5,000;</li> <li>(b) Anak yang kedua: \$10,000;</li> <li>(c) Anak yang ketiga dan seterusnya: \$20,000 setiap anak</li> </ul> </li> </ul> <p>Anda dan pasangan anda boleh berkongsi PTR berdasarkan pembahagian yang dipersetujui oleh anda berdua. Jika peratus PTR yang dituntut anda tidak mencapai 100% atau anda tidak dapat memersetujui pembahagian tersebut, kami akan membahagikan PTR secara sama rata antara anda berdua. PTR boleh ditolak dari cukai pendapatan anda atau pasangan anda. Jika cukai pendapatan yang perlu dibayar untuk YA tersebut adalah kurang daripada rebat, sebarang rebat yang tidak digunakan akan secara automatik ditolak daripada cukai pendapatan yang perlu dibayar bagi tahun-tahun yang berikutnya sehingga rebat tersebut digunakan sepenuhnya.</p> <p><b>Jika anda menuntut PTR buat kali pertama</b>, lengkapkan perkara 7 di Lampiran 2 dan hantarkan salinan bagi yang berikut, jika berkenaan:</p> <ul style="list-style-type: none"> <li>(a) surat pengambilan anak angkat secara sah bagi kes seorang anak angkat; dan/atau</li> <li>(b) surat nikah bagi perkahwinan yang didaftarkan di luar Singapura.</li> </ul> <ul style="list-style-type: none"> <li>• Tiada anak akan dianggap sebagai ahli yang tinggal dalam dua isi rumah. Oleh itu, anak dari perkahwinan terdahulu akan dimasukkan dalam unit keluarga seorang ibubapa selepas mengambil kira hak penjagaan, pengasuhan dan kawalan dan aturan tempat tinggal anak.</li> <li>• Sebarang jumlah yang tidak digunakan boleh dipindahkan dalam talian di myTaxPortal dari akaun anda ke akaun pasangan anda.</li> </ul> <p><small>*Sekiranya anak anda yang layak diberikan sebagai anak angkat kepada keluarga lain, anda dan pasangan anda akan kehilangan baki PTR yang diberikan untuk anak tersebut dari tahun taksiran selepas tahun anak tersebut diberikan sebagai anak angkat.          *Pasangan yang sudah bercerai dibenarkan untuk terus menggunakan baki PTR mereka selepas bercerai. Jika pasangan yang sudah bercerai itu bernikah lagi, dia tidak akan dibenarkan berkongsi baki PTRnya bagi anak daripada perkahwinan terdahulu dengan pasangannya yang baru.</small></p>